

Na osnovu člana 8. stava 3. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06, 51/09), člana 13. stava 3. Zakona o pripadnosti javnih prihoda u Federaciji Bosne i Hercegovine i finansiranju F BiH («Službene novine FBiH», broj 22/06, 22/09) i odredbe člana 22. Statuta općine Visoko («Službeni glasnik općine Visoko», broj 1/11 i 8/13), Općinsko vijeće Visoko na 14. sjednici, održanoj 26.12.2017. godine, donijelo je

ODLUKU O IZMJENAMA I DOPUNAMA ODLUKE O OPĆINSKIM KOMUNALNIM TAKSAMA

Član 1.

U članu 9. Odluke o općinskim komunalnim taksama („Službeni glasnik općine Visoko“ broj 10/15) iza stava: „za svaki organizacioni dio privrednog društva, prodajnog mjesta, ispostave, filijale i svih ostalih organizacionih oblika, taksa bi iznosila za svaki takav organizacioni dio 20 % od iznosa propisanog za tu zonu“, dodaje se stav:

„osim za organizacione dijelove pravnih lica u slijedećim djelatnostima“:
lutrije, igre na sreću, sportske kladionice, telekomunikacije, telefonske i satelitske usluge, proizvodnju i distribuciju električne energije i banke, koje plaćaju 50% od iznosa propisanog za tu zonu.

Član 2.

U članu 10. Odluke o općinskim komunalnim taksama dodaje se alineja:
-pravna i fizička lica - obveznici za prvu godinu poslovanja, odnosno za godinu u kojoj su otpočeli obavljanje djelatnosti po pravosnažnosti rješenja nadležnog organa.

Član 3.

Član 13. Odluke o općinskim komunalnim taksama mijenja se i glasi:

„Mjerila za utvrđivanje visine komunalne takse na istaknutu firmu su koeficijent položajne pogodnosti, zona u kojoj je firma istaknuta, veličina pravnog lica u smislu kriterija o razvrstavanju pravnih lica na osnovu člana 4. Zakona o računovodstvu i reviziji Federacije Bosne i Hercegovine (Službene novine FBiH broj: 83/09). Visina komunalne takse na istaknutu firmu za pravna lica određuje se množenjem jedinstvene osnovice komunalne takse na istaknutu firmu sa koeficijentom položajne pogodnosti i koeficijentom veličine pravnog lica u smislu kriterija o razvrstavanju pravnih lica na osnovu člana 4. Zakona o računovodstvu i reviziji Federacije Bosne i Hercegovine, a visina komunalne takse za fizička lica određuje se množenjem jedinstvene osnovice komunalne takse sa koeficijentom položajne pogodnosti, osim za pravna lica koja su razvrstana prema kriteriju akumulativnosti djelatnosti odnosno koja obavljaju slijedeće djelatnosti:

lutrije, igre na sreću, sportske kladionice, telekomunikacije, telefonske i satelitske usluge, proizvodnju i distribuciju električne energije i banke.

Za ovu grupu pravnih lica primjenjuje se tarifa u različitim iznosima prema zonama u kojima se nalaze objekti ili prostorije gdje ti subjekti obavljaju djelatnost“.

Član 4.

U Tarifi općinskih komunalnih taksi član 14. mijenja se i glasi:

Tarifni broj 1.

Za svaku istaknutu firmu, oznaku, obilježje ili natpis na poslovnim prostorijama i objektima, kojim se označava da određeno pravno lice obavlja izvjesnu djelatnost ili zanimanje, obračunava se i plaća se godišnja taksa koja se dobije množenjem jedinstvene osnovice komunalne takse na istaknutu

firmu sa koeficijentom položajne pogodnosti i koeficijentom veličine pravnog lica u smislu kriterija o razvrstavanju pravnih lica na osnovu člana 4. Zakona o računovodstvu i reviziji Federacije Bosne i Hercegovine (Službene novine FBiH broj: 83/09) kako slijedi:

KOEFICIJENT VELIČINE PRAVNOG LICA

KOEFICIJENT POGODNOSTI PO ZONAMA: I II III IV V VI

I – Pravna lica

| r.b. | KOEFICIJENT VELIČINE PRAVNOG LICA | koeficijent položajne pogodnosti | | | | | | |
|------|--------------------------------------|----------------------------------|------|------|------|------|------|---|
| | | I | II | III | IV | V | VI | * |
| 1. | MALA PRAVNA LICA KV= 1,5 | 1,35 | 1,30 | 1,25 | 1,20 | 1,15 | 1,10 | - |
| 2. | SREDNJA PRAVNA LICA KV= 5 | 1,35 | 1,30 | 1,25 | 1,20 | 1,15 | 1,10 | - |
| 3. | VELIKA PRAVNA LICA KV= 10 | 1,35 | 1,30 | 1,25 | 1,20 | 1,15 | 1,10 | - |

II – Fizička lica (trgovačke radnje, ugostiteljske radnje, obrti i srodne djelatnosti)

Za svaku istaknutu firmu, oznaku, obilježje ili natpis na poslovnim prostorijama i objektima, kojim se označava da određeno fizičko lice obavlja izvjesnu djelatnost ili zanimanje, obračunava se i plaća godišnja taksa koja se dobije množenjem jedinstvene osnovice komunalne takse na istaknutu firmu sa koeficijentom položajne pogodnosti kako slijedi:

| r.b. | FIZIČKA LICA | koeficijent položajne pogodnosti | | | | | | |
|------|---|----------------------------------|------|------|------|------|------|---|
| | | I | II | III | IV | V | VI | * |
| 1. | Trgovačke radnje, ugostiteljske radnje, obrt i srodne djelatnosti | 1,35 | 1,30 | 1,25 | 1,20 | 1,15 | 1,10 | - |

- Izuzev fizičkih lica koja su registrovana za obavljanje srodne djelatnosti – poljoprivredne proizvodnje i koja su dužna platiti taksu za isticanje firme u fiksnom iznosu od 50,00 KM bez obzira na zonu u kojoj je registrovano sjedište poljoprivredne proizvodnje

III – Pravna lica razvrstana prema kriteriju akumulativnosti djelatnosti (lutrije, igre na sreću i sportske kladionice)

| r.b. | PRAVNA LICA | zona | | | | | | |
|------|--|-----------------|----------------|---------------|----------------|----------------|----------------|---|
| | | I | II | III | IV | V | VI | * |
| 1. | lutrije, igre na sreću, sportske kladionice, telekomunikacije, telefonske i satelitske usluge, proizvodnju i distribuciju električne energije, banke | KM 10.000,00 | KM 9.800,00 | KM 9.600,0 | KM 9.400,00 | KM 9.200,00 | KM 9.000,00 | |

- **Za bankomate kao organizacione jedinice iznos takse za isticanje firme utvrđuje se u iznosu od 1.000,00 KM ,bez obzira u kojoj zoni se bankomat nalazi**

Član 5.

U članu 14. Odluke o općinskim komunalnim taksama Tarifni broj 7.se mijenja i glasi;
Za korištenje uređaja za pružanje usluga mobilne telefonije plaća se godišnja taksa i to:

1. Bazna stanica mobilne telefonije 5.000,00 KM/godišnje
2. Mikrobazna stanica mobilne telefonije 2.000,00 KM/godišnje
3. Predajnici (pasivni repetitori), antene i stubovi 1.000,00 KM/godišnje

Član 6.

U Odluci o izmjenama i dopunama Odluke o općinskim taksama iza člana 14. dodaju se članovi:

Član 15.

(nadzor)

Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja vrši nadležni porezni ured na području općine Visoko.

Član 16.

(kaznene odredbe)

Novčanom kaznom u iznosu od 2.000,00 KM kaznit će se za prekršaj pravno lice koje u propisanom roku ne prijavi ili ne plati taksu.

Novčanom kaznom u iznosu od 1.000,00 KM kaznit će se odgovorno lice u pravnom licu koje u propisanom roku ne prijavi ili ne plati taksu.

Novčanom kaznom u iznosu od 500,00 KM kaznit će se za prekršaj fizičko lice koje u propisanom roku ne prijavi ili ne plati taksu.

Član 17.

(prelazne i završne odredbe)

Svi slučajevi, odnosno postupci koji do dana stupanja na snagu ove odluke nisu pravosnažno okončani završit će se po odredbama ove Odluke.

Član 18.

Odluka o izmjenama i dopunama Odluke o općinskim komunalnim taksama stupa na snagu prvog narednog dana od dana objavljivanja u „Službenom glasniku Općine Visoko“ a primjenjivat će se od 01.01.2018. godine.

**Broj: 01/1-02-456/17
26.12.2017. godine**

**PREDSJEDAVAJUĆI
Općinskog vijeća Visoko
Bajro Fejzić, prof.**